

**SUFINANSIRANJE POSTAVLJANJA SOLARNIH
PANELA ZA VLASTITE POTREBE NA STAMBENIM
OBJEKTIMA INDIVIDUALNOG STANOVANJA****Član 8.**

(Odluka o dodjeli finansijskih sredstava)

Općinski načelnik na osnovu preporuke Komisije iz člana 7. ovog Pravilnika donosi Odluku kojom odobrava dodjelu finansijskih sredstava za sufinansiranje postavljanja solarnih panela na stambenim objektima individualnog stanovanja.

Član 9.

(Ugovor sa korisnicima finansijskih sredstava)

- (1) Općinski načelnik po osnovu Odluke iz člana 8. ovog Pravilnika, zaključuje ugovor o dodjeli finansijskih sredstava za sufinansiranje postavljanja solarnih panela na stambenim objektima individualnog stanovanja.
- (2) Za dodijeljena sredstva po osnovu Ugovora iz stava (1) ovog člana obavezno je pravdanje najkasnije u roku od 6 (šest) mjeseci od dana potpisivanja istog.
- (3) Ukoliko se ne opravdaju sredstva na način da su ista utrošena u svrhu za koju je zaključen ugovor iz stava (1) ovog člana, podnosilac zahtjeva je obavezan finansijska sredstva vratiti u roku 30 (trideset) dana, u protivnom će se pokrenuti postupak pred nadležnim sudom putem Pravobranilaštva Općine Stari Grad Sarajevo, a isti neće imati pravo na dodjelu sredstava iz Budžeta Općine narednih 5 (pet) godina shodno odredbama ovog Pravilnika.
- (4) Ugovor iz stava (1) ovog člana priprema Služba za poslove mjesnih zajednica Općine Stari Grad Sarajevo.

VI. PRAĆENJE REALIZACIJE UTROŠKA SREDSTAVA**Član 10.**

(Praćenje dodijeljenih finansijskih sredstava)

- (1) Općinski načelnik posebnim rješenjem formira Komisiju za praćenje realizacije i utroška dodijeljenih sredstava za tekuću godinu po osnovu svih javnih poziva po kojima se dodjeljuju sredstva iz Budžeta Općine Stari Grad Sarajevo, a koja prati i utrošak i pravdanje finansijskih sredstava dodijeljenih po osnovu člana 8. ovog Pravilnika.
- (2) Komisija iz stava (1) ovog člana dostavlja izvještaj općinskom načelniku svakih 6 (šest) mjeseci o praćenju pravljanja finansijskih sredstava dodijeljenih po osnovu člana 8. ovog Pravilnika.
- (3) Komisija iz stava (1) ovog člana dostavlja izvještaj Općinskom vijeću u januaru za prethodnu godinu, u kojem će biti detaljno navedeni rezultati praćenja pravljanja finansijskih sredstava dodijeljenih po osnovu odredaba ovog Pravilnika.

VII. PRELAZNE I ZAVRŠNE ODREDBE**Član 11.**

(Stupanje na snagu Pravilnika)

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-255/25
27. marta 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene

novine Federacije BiH", broj 49/06, 51/09), člana 40. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj 2/06, 72/07, 32/08, 4/10, 13/10, 45/10, 85/21, 92/21 i 72/24) i 26. Statuta Općine Stari Grad Sarajevo ("Službene novine Kantona Sarajevo", broj 20/24), na 5. redovnoj sjednici održanoj dana 27.03.2025. godine, Općinsko vijeće Stari Grad Sarajevo donosi

PRAVILNIK**O USLOVIMA I POSTUPKU IMENOVANJA KOMISIJE
ZA POSLOVE PROSTORNOG PLANIRANJA OPĆINE
STARI GRAD SARAJEVO****I. OPĆE ODREDBE****Član 1.**

(Predmet Pravilnika)

Ovim Pravilnikom utvrđuju se uslovi i postupak imenovanja Komisije za poslove prostornog planiranja Općine Stari Grad Sarajevo (u daljem tekstu: Pravilnik).

**II. USLOVI ZA IMENOVANJE ČLANOVA KOMISIJE
ZA POSLOVE PROSTORNOG PLANIRANJA OPĆINE
STARI GRAD SARAJEVO****Član 2.**

(Uslovi za imenovanje Komisije za poslove prostornog planiranja Općine Stari Grad Sarajevo)

Uslovi za imenovanje na mjesto člana Komisije za poslove prostornog planiranja Općine Stari Grad Sarajevo (u daljem tekstu: Komisija):

- stečena diploma visokog obrazovanja ili druge obrazovne ili akademske kvalifikacije najmanje VII stepen stručne spremlje, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja - pravni fakultet ili arhitektonski fakultet ili građevinski fakultet;
- 3 (tri) godine radnog staža u struci, nakon završene visoke stručne spremlje;
- zasnovan radni odnos u Općini Stari Grad Sarajevo ili Zavodu za planiranje razvoja Kantona Sarajevo ili Zavodu za zaštitu kulturno-historijskog naslijeđa Kantona Sarajevo ili Zavodu za zaštitu spomenika Federacije Bosne i Hercegovine.

Član 3.

(Sastav Komisije za poslove prostornog planiranja Općine Stari Grad Sarajevo)

- (1) Sastav Komisije za poslove prostornog planiranja Općine Stari Grad Sarajevo, uz ispunjavanje uvjeta iz člana 2. ovog Pravilnika čine:
 - Pomoćnik općinskog načelnika za urbanizam, prostorno planiranje i zaštitu okoliša Općine Stari Grad Sarajevo;
 - Šef Odsjeka za urbanizam u Službi za urbanizam, prostorno planiranje i zaštitu okoliša;
 - Šef Odsjeka za katastar i geodetske poslove u Službi za imovinsko-pravne, geodetske poslove, katastar i stambene poslove;
 - Predstavnik Zavoda za planiranje razvoja Kantona Sarajevo;

- Predstavnik Zavoda za zaštitu kulturno-historijskog naslijeđa Kantona Sarajevo;
 - Predstavnik Zavoda za zaštitu spomenika Federacije Bosne i Hercegovine;
 - Lice koje ispunjava uvjete iz člana 2. ovog Pravilnika, a koji ima iskustvo u radu u vezi sa nacionalnim spomenicima, a kojeg predloži općinski načelnik;
- (2) Komisija iz stava (1) ovog člana ima sekretara, koji obavlja administrativno-tehničke poslove za potrebe Komisije.

III. IMENOVANJE KOMISIJE ZA POSLOVE PROSTORNOG PLANIRANJA OPĆINE STARI GRAD SARAJEVO

Član 4.

(Imenovanje Komisije za poslove prostornog planiranja Općine Stari Grad Sarajevo)

Komisiju iz člana 3. ovog Pravilnika imenuje Općinsko vijeće Stari Grad Sarajevo na prijedlog općinskog načelnika, na period od 2 (dvije) godine, uz mogućnost ponovnog imenovanja na mjesto člana Komisije.

IV. RAD KOMISIJE ZA POSLOVE PROSTORNOG PLANIRANJA OPĆINE STARI GRAD SARAJEVO

Član 5.

(Rad Komisije)

- (1) Komisija na prvoj Konstituirajućoj sjednici usvaja Poslovnik o radu, kojim pobliže određuje način rada.
- (2) Na prvoj Konstituirajućoj sjednici bira se predsjednik Komisije.
- (3) Komisija sve odluke donosi većinom glasova svih članova Komisije.
- (4) Komisija o svom radu vodi zapisnik.
- (5) Komisija sve zaprimljene zahtjeve za područja za koja je donesena odluka o pristupanju izradi detaljnih planskih dokumenata u obuhvatu područja koja su proglašena historijskim urbanim krajolicima daje mišljenje na tražene zahvate u prostoru i priloženu projektno tehničku dokumentaciju.
- (6) Komisija je obavezna da izradi mišljenje iz stava (5) ovog člana u roku od 8 (osam) dana od dana prijema potpunog zahtjeva.
- (7) Komisija je obavezna mišljenje iz stava (5) ovog člana obrazložiti.
- (8) Mišljenje iz stava (5) ovog člana potpisuju svi članovi Komisije koji su glasali za isto.

V. IZVJEŠTAJ O RADU I NAKNADA ZA RAD KOMISIJE ZA POSLOVE PROSTORNOG PLANIRANJA OPĆINE STARI GRAD SARAJEVO

Član 6.

(Izvještaj o radu Komisije za poslove prostornog planiranja Općine Stari Grad Sarajevo)

Komisija za poslove prostornog planiranja Općine Stari Grad Sarajevo obavezna je svakih šest mjeseci dostavljati izvještaj o radu Općinskom vijeću Stari Grad Sarajevo.

Član 7.

(Naknada za rad Komisije za poslove prostornog planiranja Općine Stari Grad Sarajevo)

- (1) Predsjednik, članovi i sekretar Komisije imaju pravo na naknadu.

- (2) Naknadu iz stava (1) ovog člana posebnim Rješenjem utvrđuje općinski načelnik shodno raspoloživim sredstvima u Budžetu Općine Stari Grad Sarajevo i to prema broju održanih sjednica u toku mjeseca.

VI. PRELAZNE I ZAVRŠNE ODREDBE

Član 8.

(Stupanje na snagu Pravilnika)

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-258/25
Marta 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 19/06 i 51/09), člana 84. Statuta Općine Stari Grad Sarajevo ("Službene novine Kantona Sarajevo", broj 20/24) i člana 93. Poslovnika Općinskog vijeća Stari Grad Sarajevo ("Službene novine Kantona Sarajevo", broj 31/24), na 5. redovnoj sjednici, održanoj dana 27.03.2025. godine, Općinsko vijeće Stari Grad Sarajevo donijelo je

ZAKLJUČAK

O DAVANJU SAGLASNOSTI NA PRAVILNIK O IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI I SISTEMATIZACIJI SLUŽBI OPĆINE STARI GRAD SARAJEVO

1. Daje se saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji službi Općine Stari Grad Sarajevo, broj 01-04-4-614/25 od 17.03.2025. godine.
2. Ovaj Zaključak stupa na snagu danom donošenja i naknadno će biti objavljen u "Službenim novinama Kantona Sarajevo".

Broj 02-45-250/25
Marta 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 19/06 i 51/09), člana 14. i 20. Statuta Javnog Komunalnog Preduzeća Općine Stari Grad Sarajevo d.o.o. ("Službene novine Kantona Sarajevo", broj 10/24 i 46/24), člana 93. Poslovnika Općinskog vijeća Stari Grad Sarajevo ("Službene novine Kantona Sarajevo", broj 31/24), na 5. redovnoj sjednici, održanoj dana 27.03.2025. godine, Općinsko vijeće Stari Grad Sarajevo, donijelo je

ZAKLJUČAK

O DAVANJU SAGLASNOSTI NA PRIJEDLOG ODLUKE O RASPODJELI DOBITI ZA 2024. GODINU JKP "OPĆINE STARI GRAD" D.O.O.

1. Daje se saglasnost na prijedlog Odluke o raspodjeli dobiti za 2024. godinu JKP "Općine Stari Grad" d.o.o.